



Број/Број: 03/1-50-1-9-24-3/08
Сарајево/Sarajevo: 9.7.2008. godine

Članovima Zajedničke komisije:

Šefik Džaferović, Vinko Zorić, Drago Kalabić, Mirko Okolić, Jozo Križanović, Sulejman Tihiić, Hazim Rančić, Branko Zrno, Ivo Miro Jović, Dušanka Majkić, Slobodan Šaraba i Adem Huskić

PREDMET: Informacija o sastanku NATO koordinacionog tima Vijeća ministara BiH

Osmog jula 2008. godine održan je sastanak NATO koordinacionog tima (u daljnjem tekstu:NKT) kojim je predsjedavao Igor Crnadak, zamjenik ministra odbrane BiH i predsjedavajući NKT-a. U ime Zajedničke komisije za odbranu i sigurnost BiH sastanku je prisustvovao Željko Grubešić, stručni savjetnik.

U uvodnom dijelu Igor Crnadak upoznao je prisutne o aktivnostima NKT-a. Posebno se osvrnuo na sadržaj IPAP – Individualnog partnerskog akcionog plana, koji je usvojen na sjednici Vijeća ministara BiH, održanoj 3. 7. 2008., kao i na sjednici Predsjedništva BiH, održanoj 4. 7. 2008. U Poglavlju IPAP-a koje se odnosi na Zajedničku komisiju za odbranu i sigurnost BiH navodi se da su obaveze u potpunosti ispunjene te da ZK prati dinamiku koja je usvojena i planirana u periodu od 2008.do 2010. godine.

Igor Crnadak upoznao je učesnike sastanka i s obavezama Vijeća ministara BiH i NKT-a koje slijede do aprila 2009. godine, kada je planirano održavanje Samita NATO-a. Kada je u pitanju Bosna i Hercegovina, to pretpostavlja brojne aktivnosti i spremnost za četiri ciklusa pregovora.

NKT priprema tematsku sjednicu Vijeća ministara BiH u septembru 2008. o ispunjavanju obaveza institucija BiH kroz program IPAP što podrazumijeva usvajanje jednog broja odluka, prije svega Odluke o strategiji komunikacije s NATO-om.

Predsjedavajući Crnadak predstavio je i inicijalni dokument za „Intenzivirani dijalog“ u kojem su definirani starteški vanjsko-politički ciljevi za što brži ulazak BiH u punopravno članstvo NATO-a. NKT je predložio održavanje zajedničkog sastanka sa članovima Zajedničke komisije za odbranu i sigurnost BiH u periodu od 1. do 5. septembra 2008. godine na kojem bi informirali članove ZK o aktivnostima NKT-a, te razgovarali o pitanjima koja su istaknuta u IPAP-u i inicijalnom dokumentu za „Intenzivirani dijalog“.

Stručni savjetnik
Željko Grubešić

PRILOG:

- Individualni partnerski akcioni plan
- Inicijalni dokument za "Intenzivirani dijalog"